



Абу Жаъфар Кусам ибн Аббос ибн Абдулмутталиб ибн Хишом ал-Курайший (розийаллоху анху) Расулulloхнинг (соллаллоху алайхи васаллам) амакиваччалари, у зотнинг амакилари Аббос ибн Абдулматталибнинг ўғлидир. Тахминан милодий 624 йили тугилганлар. Кусамнинг оналари Умму Фазл кунyasi билан машхур бўлган Лубоба Кубро Пайгамбаримизнинг завжаи мутоххараларидан мўминлар онаси Маймуна бинти Хориснинг синглиси эди. Умму Фазлнинг олти ўғли ҳам Ислom йўлида катта хизматлар килган. Улар Ислom динини ёйиш учун дунё бўйлаб фатх килгани таралиб кетишган эди. Катабий айтади: “Тафсир сохиби Абу Солих бундай деб ёзган: “Хеч бир онанинг аббосийлардан бўлмиш Умму Фазлчалик ўғилларининг кабри таваллуд жойларидан бунчалик узокда жойлашганини кўрмадик: катта ўғли Фазл – Шомда (639 йил), Абдуллох – Тоифда (688 йил), Убайдуллох – Мадинада (705 йил), Кусам – Самарканддаги Шохи Зинда макбарасида (675 йил), Маъбад (Маъруф) – Африкода дафн этилган” (у Хазрати Усмон даврларида Шимолий Африко фатхида катнашган эди. Олтинчи ўғли Абдурахмоннинг вафоти юртида бўлган).

Кусам болалигидан рисолат сохибининг тарбиясида, у зотнинг меҳрини кўриб улгайди. Бир куни Пайгамбаримиз алайхиссалом Арафотдан кайтишларида Фазл ибн Аббосни олдиларига, Кусамни эса ортларига мингаштириб олганлари ривоят қилинади. Бошқа бир ривоятда эса бундай дейилган: “Бир куни хазрати Расулulloх соллаллоху алайхи васаллам уловларини минган холда ўйнаб юрган бир гурух бола орасига кириб бордилар. Улар орасида Аббоснинг ўғиллари Убайдуллох ва Кусам ҳам бор эди. Шунда у зот одамларга: “Манавини (Убайдуллохни) олд томонига ўтказиб қўйинглар”, деган эдилар, уни олд томонларига ўтказишди. Кейин Кусамни кўрсатиб: “Буни орт томонига ўтказиб қўйинглар”, деган эдилар, уни орт томонларига ўтказишди”.

Уламоларимиз таъкидлашларича, Абду Манoф уруги ичида беш киши тана тузилиши жихатидан Пайгамбар соллаллоху алайхи васалламга жуда ҳам ўхшашар эди. Хатто баъзи кишилар уларни Расулulloх соллаллоху алайхи васалламга адаштириб ҳам юришлари мумкин эди. Булар: 1) Абу Суфён ибн Хорис ибн Абдулмуттолиб – Пайгамбар соллаллоху алайхи васалламнинг амакиваччаларидан бири, у зот билан эмикдош ака-ука ҳам ҳисобланар эдилар; 2) Кусам ибн Аббос ибн Абдулмуттолиб – у киши ҳам амакивачча бўлиб, Аббос ибн Абдулмуттолиб розияллоху анхунинг ўғиллари; 3) Соиб ибн Убайд ибн Абди Язийд ибн Хошим – имом Шофеъийнинг боболари; 4) Хасан ибн Али розияллоху анху – Расулulloх соллаллоху алайхи васалламнинг набиралари, Хазрати Али ва Фотима онамизнинг бош фарзанд-лари; 5) Жаъфар ибн Абу Толиб розияллоху анху. Кусам тадбирли, саховатли, одамларга меҳрибон киши бўлган. У ҳар бир ишда Пайгамбар алайхиссаломга эргашишга, у зотга ўхшашга интиларди. Айтишларича, Кусам

ибн Аббос уйларида масжидга караб йўлга тушсалар, одамлар атрофга таралган атирнинг муаттар хидидан у кишининг ўтиб кетганларини дархол фахмлашар экан. Хишом ибн Исом Килобийнинг ривоят қилишича, бир куни у одатига кўра Аббос хонадонига шеър ўқигани кирса, Кусамни кимматбаҳо заррин чопон кийиб турганини кўриб қолади. У назм орқали ўзининг чопон ва кўйлакка мухтож эканини изҳор этади. Шунда Кусам ибн Аббос дархол заррини чопон ва унинг остидан кийган кимматбаҳо кўйлакни ечиб, Хишомга кийдириб юборади ва ўзи эски кийимларини кийиб олади. Пайгамбаримиз вафот этганларида Кусам ибн Аббос розияллоху анхунинг у зотни дафн этиш ишларида иштирок этганлари ҳам ривоят қилинади. ндан сўнг катта мусибатга учраган Ислом уммати ўз Пайгамбарини дафн қилишга тайёргарлик кўра бошлади. У зот соллаллоху алайхи васалламни ювиш, кафанлаш ва ерга қўйиш керак эди. Бу ишларни у зотга энг яқин бўлган кишилар қиладиган бўлдилар. Ана шу энг яқин кишилар ичида Усома ибн Зайд розияллоху анху ҳам бор эдилар.

Омир аш-Шаъбий розияллоху анхудан ривоят қилинади: «Набий соллаллоху алайхи васалламни Али, Фазл ва Усома ибн Зайдлар ювишган. Улар у зотни қабр-га ҳам қўйишган. Фориғ бўлгандан сўнг Али: «Қишига қариндошлари валий бўлади», деган» (Абу Довуд ривоят қилган). Бошқа ривоятларда зикр қилинишича, мазкур уч кишига яна уч киши ёрдам бериб турган: Пайгамбаримиз соллаллоху алайхи васалламнинг амакилари Аббос ибн Абдулмуттолиб, Пайгамбаримиз соллаллоху алайхи васалламнинг озов қилган куллари Шакрон розияллоху анху ва ҳазрати Аббоснинг яна бир ўғиллари Кусам ибн Аббос розияллоху анху.

Кусам ибн Аббос (розияллоху анху) Али ибн Абу Толиб (қаррамаллоху ваҳҳаху) даврларида халифанинг Маккадаги омили (солиқ йиғувчиси) ҳам бўлганлар.

Халифа Муовия даврида (милодий 661-680) Ҳазрати Усмоннинг ўғиллари, Хуросон волиий Саъид ибн Усмон билан бирга хижрий 43 йили Мовароуннахрни фатҳ этишга келганлар. Милодий 677 йили сугдийлар шаҳарга ҳужум қилганида Ислом қўшинлари билан жанг бўлди ва шу жангда Кусам шахидлик мақомига эришди. Абдуллох ибн Аббосдан (розияллоху анхумо) ривоят қилинишича, Кусам ибн Аббос ярадор бўлгач, вафотлари олдида: “Тугилган ерим вафот этаётган жойимдан қанчалар узок-а, Маккада тугилиб, Самарқандда вафл этиётиман”, деган эканлар. У киши Бану Ножиё қабристонидаги қор ёнида дафн этилганлар, кейинчалик бу жойда Султон Санжар Моъий (1118 – 1157) даврида “Қусамия” мадрасаси барпо этилган. Қабрлари Самарқанддаги ҳозирги Шохизинда (Шохизинда – тирик шох дегани) мажмуасида. Юртимиздаги ягона саҳобийнинг мақбарасидан зиёратчиларнинг кети узилмайди. Кусам ибн Аббос (розияллоху анху) дафн этилган масжид деворида шундай ёзувлар бор эди: “Саъид ибн Усмон (розияллоху анхумо) хижрий 43 йили Хуросонга қелиб, Самарқанд дарвозасига яқинлашганларида ортларидан Кусам ибн Аббос етиб қелдилар. Шунда Саъид ибн Усмон Кусам ибн Аббосни ортларидан тушириб, у кишига иззат-эҳтиром қўрсатдилар ва бу таърифдан мамнун бўлдилар. Сўнг икковлон Самарқанддан ўтиб, Усрушонага қараб юришди. Сирақса етганда тўхтаб, бир неча қун туриб қолишди. Кейин Кусам ибн Аббос вафот топди. Саъид ибн Усмон ва қўшин у кишига жаноза ўқишди. Сўнг Саъид ибн Усмон Кусам ибн Аббоснинг тобутларини шаҳарга (Самарқандга) жўнатдилар”.

Ахмад МУХАММАД